

王勃全集箋註

汪彥章
署

王子安集注卷第十四

唐龍門王勃撰

吳縣蔣清翊注

頌

乾元殿頌

并序○文苑英華七百七十八○舊唐書高宗紀麟德二年三月辛未東都造乾元殿成唐六典七東都皇城在都城之西北隅皇

宮在皇城之北南面三門中曰應天其內曰乾元門其內曰乾元殿唐會要三十洛陽宮武德四年十二月七日使行臺僕射屈突通焚乾元殿應天門紫微觀以其太奢顯慶元年勅司農少卿田仁汪因舊殿餘址修乾元殿高一百二十尺東西三百四十五尺南北一百七十六尺至麟德二年二月十二日所司奏乾元殿成其應天門先亦焚之及是造成號為則天門

臣聞鵬霄上廓

莊子逍遙游篇鵬之徙於南冥也水擊三千里搏扶搖而上者九萬里玉簫霄雲氣也

瓊都開紫帝之

庭

太平御覽六百七十四玉京經曰國都玉京山有七寶城太上無極大道虛皇君之所治也高仙之國都焉謝莊月賦李善注張泉觀象賦曰寥寥帝庭自注云帝

庭謂太微宮也春秋元命苞曰太微為天庭○餘見游山廟序紫微注

釐紀下奠

見拜南郊頌序釐園注莊子說劍篇上決浮雲下絕地紀書禹貢孔

傳奠定也

珍野闢黃靈之館

漢書郊祀志稱地祇曰后土與中央黃靈同

兼山配極

易艮卦兼山艮孔疏兩山兼重

謂之兼山也直置一山已能鎮止今兩山重疊止義彌大故曰兼山
良也左莊二十二年傳山嶽則配天宋書武帝紀詔曰嵩岱配極
昭鸞闕於霞

標 班固西都賦李善注三輔故事曰建章宮闕上有銅鳳皇藝文類聚三十四宋孝
武帝擬漢武帝李夫人賦想金聲於鸞闕孫綽遊天台山賦赤城霞起而建標李

善注天台山圖曰赤城山天台之南門也建標立物以爲之表識也戰國策曰舉標甚
高又雙闕雲竦以夾路李善注顧愷之啟蒙記注曰天台山列雙闕於青霄中上有壇

樓瑤林醴泉 **海水含元** 易坎卦水洊至習坎王注相仍而至習乎坎也史記天官
仙物畢具 書索隱春秋文耀鉤曰中宮大帝其精北極星含元出氣

流精生一郭璞江賦李善注春秋元命 包曰水者五行始焉元氣之湊液也
湛驪宮於霧壑 驪龍見上武侯極啟一

屋兮龍堂紫貝闕兮朱宮王逸注言河伯所居以魚鱗蓋屋堂畫蛟龍之文
紫貝作闕朱丹其宮形容異制甚鮮好也山海經大荒東經東海之外大壑其則神

徵語怪 論語述而不子不 語怪力亂神 **功潛鳥迹之初** 呂氏春秋君守篇蒼頡作書高誘注
蒼頡生而知書寫倣鳥迹以造文章

淮南子本經訓高誘注蒼頡始視鳥迹之文造書契許慎說文解字叙
黃帝之史倉頡見鳥獸蹏迹之迹知分理之可相別異也初造書契

更記孟荀列傳 **道昧鶉居之始** 莊子天地篇夫聖人鶉居而鷇食釋文鶉
其語闕大不經 居謂無常處也又云如鶉之居猶言野處

鳳書而稽碧落 鳳書見九成宮頌二鳳紀注度人經昔於始青天
中碧落空歌大浮黎土受元始度人無量上品 **仙構罕存**

說文構蓋也杜林 以爲椽桶之字 **按龜錄而質黃圖** 藝文類聚十一河圖挺佐輔曰天老曰
河出龍圖雒出龜書紀帝錄列聖人之

姓號宋書符瑞志龜書出洛赤文篆字以授軒轅。黃圖見九成宮頌序**金模間起**金是金字之訛左思魏都賦授全模於梓匠說文模法也繫傳臣錯

曰以木為**粵若風移處聞**關尹子一字篇吾道如處暗夫處明者不見暗中一物而處暗者能見明中區事**增巢恢**

火運之機禮禮運昔者先王未有宮室冬則居營窟夏則居橧巢未有火化後聖有作然後修火之利范金合土以為臺榭宮室牖戶。詳見九成宮頌

業拒全唐文作泊**嚮明**易說卦傳聖人南面而聽天下嚮明而治**上棟括河圖之奧**上棟見九成宮頌序

大壯注易繫辭河出圖洛出書聖人則之孔疏如鄭康成之義則春秋緯云河以通乾出天苞洛以流坤吐地符河龍圖發洛龜書感河圖有九篇洛書有六篇孔安國以為

河圖則八卦是也洛書則九疇是也**三階布政詠匪日於靈臺**俱見九成宮頌序詩靈臺孔疏穎子容春秋釋例云太廟

有八名其體一也告朔行政謂之明堂占雲物望氣祥謂之靈臺**百堵陳詩頌斯干於考室**百堵見九成宮頌序三禮王制命

大師陳詩以觀民風鄭注陳詩謂采其詩而觀之**亦有黃軒瞰月**黃是璜字之說。說文璜

半璧也。事見九成宮頌四瞻字注**譙門頽九洛之功**竹書紀年帝癸三十一年商自師征夏邑克昆吾大雷雨戰于鳴條夏師敗績

築出奔三腰商師征三腰戰于邲獲桀于焦門徐文靖統箋案淮南主術訓桀之力制脩仲鈎索鐵欵金然湯革車三百乘困之鳴條擒之焦門高誘曰焦或作巢一統志巢

湖在巢縣西十五里一名焦湖周圍四百餘里据此則焦門當即是巢門也書洪範天乃錫禹洪範九疇孔傳天與禹洛出書神龜負文而出列于背有數至于九禹遂因而

第之以成九類

璿闔排煙

事見九成宮頌四瑞局注詩東方之日毛傳闔門內也何遜七召蓋排煙而漸滅

牧野構三河

之酷

書武成甲子昧爽受率其旅若林會于牧野罔有敵于我師前徒倒戈攻于後以北海流漂杵又牧誓孔傳紂近郊三十里地名牧釋文牧說文作毋云地名

在朝歌南七十里史記貨殖傳唐人都河東殷人都河內周人都河南三河在天下之中若鼎足

御燕臺而臨北極

列子周穆王篇西極

之國有化人來穆王推路寢以居之化人以爲王之宮室卑陋而不可處穆王乃爲之改築土木之功赭堊之色無遺巧焉五府爲虛而臺始成其高千仞臨終南之上號曰中天之臺清朔曰本集史率寺浮圖碑周王北洛之宮洛字疑卽極字之訛其事未詳王褒甘泉宮頌甘泉山天下顯敞之名處也前接大荆後臨北極

於祈招

見九成宮頌序

列雲閣而拒南山

張衡東京賦結雲閣冠南山薛綜注終南山在長安南○詳見九成宮頌序

隕皇謨

英華一作謀

於軹道

史記秦始皇紀秦初并天下丞相綰御史大夫劫廷尉斯等謹與博士議上尊號王爲泰皇王曰去泰著皇采

上古帝位號號曰皇帝又子嬰爲秦王四十六日楚將沛公破秦軍入武關遂至霸上使人約降子嬰子嬰卽係頸以組白馬素車奉天子璽符降軹道旁集解徐廣曰在霸陵駟案蘇林曰亭名然則卑宮喪禮讓傳章華賦思夏禹之卑宮采椽輕四

海之尊

韓非子五蠹篇堯之王天下也茅茨不翦采椽不斲史記太史公自序墨者亦尙堯舜道言其德行曰堂高三尺土階三等茅茨不翦采椽不刮索隱韋

昭云采椽櫟榱也正義採取爲椽不刮削也又高祖紀見宮闕壯甚怒蕭何曰天子以四海爲家非壯麗無以重威**豐屋延災**豐屋見九成宮頌序潘尼

乘輿箴豐

柏梁非萬乘之有

漢書武帝紀元鼎二年春起柏梁臺太初元年十一月乙酉柏梁臺災注服虔曰用百頭梁作臺因

名焉師古曰三輔舊事云呂香柏為之今書字皆作柏服說非更記孝武紀索隱三輔故事云臺高二十丈用香柏為殿香聞十里三輔黃圖五柏梁臺在長安城中北闕內

雖因時立事

呂氏春秋不廣篇智者之舉事必因時韓非子說疑篇有成功立事而不敢伐其勞

奢儉殊流

禮檀弓曾子曰國無

道君子恥盈禮焉國奢則示之以儉國儉則示之以禮

而弘道在人

論語衛靈公人能弘道

興亡迭

英華作遞運

靈光末造

靈光見九成宮頌序靈宮注儀禮土冠禮公侯之有冠禮也夏之末造也鄭注造作也

不窺九室之榮

禮

匠人內有九室九嬪居之外有九室九卿朝焉鄭注內路寢之裏也外路門之表也九室如今朝堂諸曹治事處

景福宏規

景福見九成宮頌序班固

西都賦度宏規而大起

猶擁三方之豐

陸機辯亡論昔三方之王也魏人據中夏漢氏有岷益吳制荆揚而奄交廣

聞

英華一作

瞻風舊史

孟子萬章故聞伯夷之風者杜預春秋左氏傳序其餘皆即用舊史

逮曹馬而無譏

初學記九魏氏土德帝王

世紀曰魏曹姓也文皇帝受漢禪晉氏金德晉書曰武皇帝姓司馬氏太始元年升壇受禪左襄二十九年傳自鄆以下無譏焉杜注不復譏論之以其微也

觀迹

故墟

班固西都賦若臣者徒觀迹於舊墟尚書大傳二微子將往朝周過殷之故墟潘岳西征賦李善注聲類曰墟故所居也

歷周隋而未

得

司馬相如上林賦楚則失矣而齊亦未為得也

自我唐太陵遷構

史記趙世家肅侯游大陵集解徐廣曰太原有大陵縣亦

曰陸正義括地志云大陵城在并州文水縣北十三里漢大陵縣城漢書地理志太原郡縣大陵元和郡縣志河東道太原府管文水縣大陵城漢大陵縣也在縣東北十里魏書中山王英傳頃以皇都遷構江揚未一均五方於鶴凡之前禮王制中國戎夷五方之民○鶴義未詳下文頌八鳳凡裁尊疑是

畫鶴鳳為飾周禮司几筵左右王几鄭注左右有几優至尊也

中野凝圖

逸周書殷祝解桀與其屬五百人南徙千里止於不齊民往奔湯於中野

○書召誥王來紹上帝自服於土中孔傳言王今來居洛邑繼天為治躬自服行教化於地勢正中史記周紀成王在豐使召公復營洛邑如武王之意周公復卜申視卒營築居九鼎焉曰此天下之中四方入貢道里均元和郡縣志河南府在天地之中顯慶二年置東都書臯陶謨孔傳凝成也釋文凝馬云定也調六氣於

蚪牀之下

莊子在宥篇雲將曰天氣不和地氣鬱結六氣不調四時不節今我願合六氣之精以育羣生商子畫策篇明者無所不見是以人主處匡牀

之上而天下治清翊曰御榻以龍為飾故曰蚪牀

坐圭臺而清俯仰

周禮大司徒以上圭之灋測上深正日景以求地中元和郡縣志河

南府管告成縣測景臺在縣城內西北隅高一丈易繫辭仰則觀象於天俯則觀法於地

晷緯齊明

顏延之三月三日曲水詩序晷緯昭應季善注說文

曰晷日影也緯五星也易乾卦與日月合其明王儉褚淵碑文風儀與秋月齊明

臨鼎邑而重威靈

左桓二年傳武王克商遷九鼎

于維邑史記高祖紀蕭丞相營作未央宮高祖見宮闕壯甚怒蕭何曰天子以四海為家非壯麗無以重威何晏景福殿賦以為不壯不麗不足以一民而重威靈○威靈詳

見畢公宅宴序

風雷合響得玄功於大壯其至

全唐文無至字

在此乎

大壯見九成宮頌序

我大唐雞渾指極

藝文類聚一徐整三五層紀曰天地混沌如雞子盤古生其中萬八千歲天地開闢陽清為天陰濁為地盤古在其中一

日九變神於天聖於地天日高一丈地日厚一丈盤古日長一丈如此萬八千歲天數極高地數極深盤古極長後乃有三皇數起於一立於三成於五盛於七處於九故天

去地九

樹神宰而制山河

藝文類聚三十六晉戴逵開遊賀寔有神宰忘懷司契

鶴識裁儀

鶴是雀字

之說雀識闕太虛而有天地

太虛見七夕賦易序卦傳有天地然後有萬物

黃精吐瑞

禮月金其帝黃帝鄭

注此黃精之君太平御覽七十九河圖握拒曰黃帝名軒北斗黃神之精陸機答賈長淵詩李善注春秋保乾圖曰漢以魏徵黃精接期天下歸高晉書樂志曹毗歌宣帝神

石吐瑞元和郡縣志河東道太原府晉陽縣受瑞壇在州理倉城中義旗初高祖神堯皇帝受瑞石于此壇文曰李理萬吉封氏聞見記四國家承隋氏火運故為土德衣服尚

潛龍苞象帝之基

易乾卦初九潛龍勿用老子吾不知誰之子象帝之先至弼注帝天帝也

紫氣禎

英華一作

頽項本

祥

創業起居注二十三年丁亥正月丙子夜晉陽宮西北有光夜明自地屬天若大燒火飛燄炎赫正當城西龍山上直指西南極望竟天俄而

山上當童子寺左右有紫氣如虹橫絕火中上衝北斗自一

鳴鳳呈真王之表

鳴鳳見拜南郊頌四史記淮陰侯傳大丈夫定諸侯即為真王耳

高祖大武皇帝

舊唐書高祖紀羣臣上諡曰大武皇帝

虹星

湛色

見九成宮頌序星虹注

開寶胃於金壺

徐陵陳文帝哀策文蟬聯寶胃拾遺記三浮提之國獻神通善書一人出肘間金壺四寸

上有五龍之檢封以青泥壺中有黑汁如淳漆灑地及石皆成篆隸科斗之字記造化人倫之始佐老子撰道德經垂十萬言寫以玉牒編以金繩貯以玉函及金壺汁盡二人刳心瀝血以代墨焉老子曰更除其繁素
蛟電凝陰
見九成宮頌序電蚪注說文蛟龍之屬也

皇明於石紐
班固西都賦天人合應以發皇明天平御覽三十五遁甲開山圖榮氏解曰女狄暮汲石紐山下泉水中得月精如雞子愛而含之不覺

而吞遂有娠十四月生夏禹吳越春秋越王無余外傳禹父鯀者帝顓頊之後鯀娶於有莘氏之女名曰女嬉年壯未孳嬉於砥山得薏苡而吞之意若爲人所感因而妊孕剖脅而產高密家於西羌地曰石紐石紐在蜀西川也蜀志秦宓傳禹生石紐今之汶山郡是也注帝王世紀曰鯀納有莘氏女曰志是爲修已上山行見流星貫昴夢接意感又吞神珠胸坼而生禹於石紐譙周蜀本紀曰禹本汶山廣柔縣人也生於石紐其地名剗兒坪見世帝紀更記夏紀正義括地志云茂州汶川縣石紐山在縣西七十三

白蛇宵斷
更記高祖紀高祖被酒夜徑澤中行前者還報曰前有大蛇當徑顛還高祖醉曰壯士行何畏乃前拔劍擊斬蛇蛇遂分爲兩徑開行數

里醉因卧後人來至蛇所有一老嫗夜哭人問何哭嫗曰人殺吾子故哭之吾子白帝子也化爲蛇當道今爲赤帝子斬之故哭人乃以嫗爲不誠欲告之嫗因忽不見

行移海岳之符蒼兕晨驅
蒼兕見上劉右相書
坐邁雲雷之業
雲雷見與蜀父老書二新唐書

高祖紀大業十三年拜太原留守時煬帝南游江都天下盜起高祖子世民知隋必亡陰謀舉大事而未有以發時劉武周攻汾陽宮高祖乃募兵得衆一萬副留守王威高君雅疑有變謀圖高祖高祖覺
屬東鄰委馭
謂陳後主易旣濟卦東鄰殺牛不如殺之以起兵傳檄諸郡稱義兵西鄰之禰祭漢書郊祀志杜鄴曰東

鄉殺牛不如西鄰之滌祭注師古曰此易既濟九五爻辭也東鄰謂商紂也西鄰周文王也滌祭謂滌蕘新菜以祭言祭祀之道莫盛修德故紂之牛牲不如文王之蘋藻也
班固幽通賦東鄰虐而殲仁兮左思魏都賦劉宗委馭異其神器

扇虐政於叢祠

孟子公孫丑民之憔悴於虐政吏記陳涉世家吳廣之次

所旁叢祠中索隱墨子云建國必擇木之修茂者以為叢位高誘注戰國策云叢祠神祠也叢樹也南史陳後主紀有狐入其牀下捕之不見以為祆乃自賣於佛寺為奴以讓之於郭內大皇佛寺起七層塔未畢火從中起飛至石頭燒死者甚眾

北拱墮尊

謂隋煬帝論語為政為政以德譬如北辰居其所而眾星共之

系皇圖於寶極

皇圖見上絳州司馬書易繫辭聖人極見上九成宮頌表

蜚鴻集野

史記周紀維天不饗殷自

發未生於今六十年麋鹿在牧蜚鴻滿野索隱按高誘曰蜚鴻蟻蠓也言飛蟲蔽田滿野故為災非是鴻雁也隨巢子作飛拾飛拾蟲也正義蜚音飛古飛字也於今六十年從帝乙十年至伐紂年也麋鹿在牧喻讓佞小人在朝位也飛鴻滿野喻忠賢君子見放奔也故詩云鴻雁于飛肅肅其羽之子于征劬勞于野毛萇云之子侯伯卿士也鄭玄云鴻雁知避陰陽寒暑喻民知去無道就有道

瞻鳥鮮投足之因

詩正月瞻鳥爰止于誰之屋毛傳富人之屋鳥所集也鄭箋視鳥集

於富人之屋以言今民亦當求明君而歸之○投足見楊炯序

青犢嘯風

後漢書光武帝紀別號諸賊青犢王褒聖主得賢臣頌虎嘯而谷風列

羣鹿無擇音之所

揚雄解嘲往者周網解結羣鹿爭逐李善注服虔曰鹿喻在爵位者左文十七年傳鹿死不擇音杜注音所秣蔭之處古

字聲同皆相假借

天街五裂

史記天官書昂畢間為天街其陰陰國陽陽國國策魏策此所謂四分五裂之道也漢書鄒陽傳夫濟北之地東接彊齊

南牽吳越北脅燕趙此四分五裂之國注張晏曰四方受敵濟北居中央為五晉灼曰四分即交五而裂如田字也**截鯨浦而飛芒**鯨浦謂海

說文鯨海大魚也鯨或從京張地紐三分千洲記崑崙號曰崑陵在西海之戌地北極之亥地此乃天地之根紐萬度之

衡過天大象賦或飛芒而蝕月綱柄矣謝莊宋明堂歌地紐謚乾樞回更記淮陰侯傳參分天下鼎足而居**觸鼉山而按節**列子湯問篇天地亦物也物有不足故昔者女

媧氏練五色石以補其闕斷鼉之足以立四極其後共工氏與顓頊爭為帝怒而觸不周之山折天柱絕地維故天傾西北日月星辰就焉地不滿東南故百川水潦歸焉

玄蚪在御蚪見九成宮頌序易乾卦時乘六龍以御天**掃圻甸而廓星都**左襄二十五年傳天子之地一圻杜注方

千里書禹貢五百里甸服孔傳規方千里之內謂之甸服為天子服治田去王城面五百里○長安城形象斗故曰星都詳山亭興序北斗注**黃鳥分麾**

在昉宣德皇后令李善注鶯子曰武王率兵車以伐紂紂虎旅百萬陣于商郊起自黃鳥至于赤斧三軍之士靡不失色武王乃命太公把旄以麾之紂軍反走**動**

扶搖而駭雲陣爾雅釋天扶搖謂之𩇑郭注暴風從下上握奇經陣勢三革二金為雲逸周書大明武解陣若雲布**鑣宮杖鉞**

藝文類聚十墨子曰夏桀時天乃命湯於驪宮有神來告曰夏德大亂往攻之予必使汝大戡之初學記二十四湯有鑣宮見墨子湯所受命之宮清翊曰今本墨子無此條

按驪宮即鑣宮之訛書牧誓王左杖黃鉞孔**跨高陌而登元**後漢書光武帝紀命有司設壇場於鄩南

傳鉞以黃金飾斧左平杖鉞示無事於誅**轡野韜戈**逸周書嘗麥解黃帝執蚩尤改鄩為高邑注其地在今趙州柏鄉縣殺之於中冀用名之曰絕轡

之野晉書慕容德載記德曰此志未遂且韜戈耳

涉汜壇而擁號

更記高祖紀即皇帝位汜水之陽正

壇在曹州濟陰縣界張晏曰汜水在濟陰界取其汜愛弘大而潤下百虎通號篇帝王者何號也號者功之表也所以表功名德號令臣下者也

皇圖不

恃

皇圖復見不恃見上拜南郊頌表

聖人追卷領之風

莊子天地篇堯觀乎華華封人曰噫聖人淮南子汜論訓古者有整而終

領以王天下者矣其德生而不辱子而不奪高誘注古者蓋三皇以前也整頭著兜整

幘言未知制冠也綵領皮衣屈而紱之如今胡家韋襲反褶以為領也一說整放髮也

綵繞頸而已皆無飾左思魏都賦追亘卷領與結繩

神器無私

英華一作移神器見上拜南郊頌表禮孔子閒居天無私覆地無私載日月無私照奉斯

三者以勞天下此之謂三無私

才子奉褰裳之運

至文十八年傳晉高陽氏有才子八人尚書大傳一舊華已竭褰裳去之

太宗

皇帝雲房揖契

雲房見九成宮頌十八

壓麟璽於庭軒

宋書符瑞志晉建武元年三月丹陽江寧民虞由壘土得

白麒麟璽一紐文曰長壽萬年獻晉王說文璽王者印也所以主土籀文璽從王

雷渚翔英

墨子尚賢中篇舜耕曆山陶河瀕漁雷澤堯得之服

澤之陽舉以為天子更記五帝紀集解鄭固曰雷夏兗州澤今屬濟陰正義括地志云雷夏澤在濮州雷澤縣郭外西北

擾龍鈴

全唐文作鈴

於

高席

英華一作周鎬○龍鈴未詳本集七夕賦啟魚鈴而分帝術疑是一事

八能亨運

後漢書禮儀志注樂叶圖徵曰夫聖人之作樂所以

觀得失之效者也故聖人不取備於一人必從八能之士八能之士常以日冬至成天文日夏至成地理作陰樂以成天文作陽樂以成地理

抗鵷邸而

杖朱髦

鷓見七夕賦周禮掌次王大旅上帝則張壇案設皇邸鄭注鄭司農云皇羽覆上邸後版也玄謂後版屏風與染羽象鳳皇羽色以爲之張衡東京賦朱旄青屋薛綜注朱旄旄牛尾赤色者也說文旄幢也繫傳臣錯按爾雅注旄首曰旌注謂載旄竿頭如今之幢以旄牛尾結爲之也亦謂之旄注綴屬也旌卽今道家之幢節

未也 十亂恢基

書泰誓中子有亂臣十人同心同德孔傳我治理之臣雖少而心德同論語泰伯何注馬曰亂治也治官者十人謂周公旦召公奭太公

望舉公榮公太願闕天散宜生南宮适其一人謂文母潘岳西征賦竊十亂之或希

臨鶴州而擁黃鉞

州是洲字之訛鶴州見滕王閣

饒別序黃鉞見上文杖鉞注

唐雲祕族

詩唐讜唐者帝堯舊都之地今日太原晉陽莊子在宥蘊雲氣不待族而雨釋文司馬云族聚也

潛

開白水之徵

張衡東京賦我世祖念之乃龍飛白水薛綜注白水謂南陽白水縣也世祖所起之處也後漢書光武帝紀論王莽篡位忌惡劉氏呂錢

文有金刀故改爲貨泉或呂貨泉字文爲白水真人

代景迴輪

史記孝文紀立爲代王都中都高后崩丞相陳平太尉周勃等使人迎代王遂卽天子位

風俗通正失篇成帝見劉向以世俗多傳道孝文皇帝爲代王及後徵到後期不得立日爲再中有此事不劉孝威塘上行苦辛篇魯日向迴輪

光踐丹

丘之運

拾遺記一有丹丘千年一燒黃河

權輿象緯

爾雅釋詁權輿始也○象緯見九成宮頌序

削茅社而建瓊桃

茅社見倬彼我系詩錫社注桃見九成宮頌序

草昧風雲

易屯卦天造草昧宜建侯而不寧王注屯

者天地造始之時也造物之始始於冥昧故曰草昧孔疏草謂草創昧謂冥昧○風雲見請度人表

席蘿圖而創璿曆

淮南子覽冥訓援絕

瑞席蘿圖高誘注殊絕之瑞應援而致之也羅列圖籍紫庭見九成宮
以為席蓐一說羅圖車上席也○瘠圖見拜南郊頌序頌三楚詞離騷

王逸注至美曰括宇宙於宸襟何遜九日侍宴樂游苑詩宸襟動時豫
純齊同曰粹

展凝尊展見上劉右相書以絳帛為質故曰丹展梁元帝上忠
臣傳表早蒙丹展之訓易鼎卦王注凝嚴整之貌也運陶鈞於寶思

陶鈞見上明員外啟摘碧霄而鍊石鍊石見上
寶思見九成宮頌序上清耀魄之宮廣雅釋天

曜魄禮郊特牲孔疏春秋緯云北極耀魄寶史記孝武紀索隱春秋緯紫宮天皇
曜魄寶之所理也暹經天皇大帝一星在鉤陳中央其神曰耀魄寶主御羣靈詔

寰海而捐珠陸賈新語術事篇禹
捐珠玉於五湖之淵俯睇陽侯之室陽侯見上
功驅偃

伯見拜南
頓鶚視於華封鶚視見拜南郊頌序
道被來王見九成
靜

龍吟於武庫拾遺記一顓頊高陽氏有曳影之劍騰空而舒若四方有兵此劍則
飛起指其方則剋伐未用之時常於匣裏如龍虎之吟史記高祖紀

肅丞相營作未央宮立東玄樞上運說文玄幽遠也更記天官書北斗七星斗為
闕北闕前殿武庫太倉帝車運于中央索隱案春秋運斗樞云斗第

一天樞第二旋第三機第四權第五衡第六開陽第七卜年開累聖之符
搖光第一至第四為魁第五至第七為標合而為斗左宣

傳成王定鼎于郊丹竈升遐丹竈見出境遊山詩靈竈
下世三十卜年七百遺範啟謀孫之

畫

陸雲九愍儀遺範而無律
○謀孫見倬彼我系詩

皇帝陛下

陛下見請
度人表

椒庭襲慶

椒庭見
七夕賦

曜

璿萼於霞莊

晉書庾亮傳論璿萼見誅物議稱其拔本清翊曰按左文七年傳樂
璿曰公族公室之枝葉也後人因以璿萼金枝等字比帝子矣霞莊

猶言

雲衢

蘭殿分休

藝文類聚四漢書曰武帝
七月七日生於漪蘭殿

湛珠衡於月館

珠衡見九成宮
頌序拾遺記二

衡山之岳有寶露壇舜於
壇下起月館以望夕月

道凝瓊鎮

山海經大荒西經祝融生太子長琴是處嵯
始作樂風郭璞注山多樺木因名之耳清

翊曰檣山初學記十引作瑤山而唐人詩文亦多相
沿作瑤疑唐時本各不同耳瑣鎮又瑤山之變文

下蒼掖而照重熙

蒼掖
青宮

也神異經東方有宮青石為牆高三仞門有銀榜以青石碧鏤
題曰天地長男之宮班固東都賦至乎永平之際重熙而累洽

業峻銅樓

見九
成宮

序憑紫軒而揖羣后

唐六典七宣政北曰紫宸門其內曰紫宸殿原注即內朝
正殿也班固典引然後欽若上下恭揖羣后正位度宗書

舜典班瑞于羣
后孔傳后君也

環四瀛於舜抱

見九成宮頌序舜海注謝莊宋
明堂歌外光四瀛說文衰衰也

漏蟻覃津

淮南子人間訓千里
之隄以螻蟻之穴漏

栖十景於堯襟

見拜南郊頌序蓬艾注說文襟
交衽繫傳臣錯曰衽之交處

巢螟荷

照

晏子春秋外篇景公問晏子曰天下有極細乎晏子對曰東海有蟲巢
於曩曉再乳再飛而蟲不為驚臣嬰不知其名而東海漁者命曰焦冥

上元開

錄

漢書律曆志迺曰前曆上元泰初四千六百一十七歲至於元封七年復得闕逢
攝提格之歲中冬十一月甲子朔旦冬至注孟康曰言復得者上元泰初時亦是

闕逢之歲歲在甲曰闕逢在寅曰攝提格此為甲寅之歲也○錄見九成宮頌序按甲寅為唐高宗永徽五年

寶龜定皇邑之模

書洛誥子

惟乙卯朝至于洛師我卜河朔黎水我乃卜澗水東遷水西惟洛食我又卜瀍水東亦惟洛食孔傳卜必先墨畫龜然後灼之兆順食墨○寶龜見采蓮賦曹植贈白馬王彪

詩清晨發皇邑新唐書高宗紀顯慶二年十二月丁卯以洛陽宮為東都

下武崇基

見九成宮頌序

飛龍錫帝臺之構

寶龜句謂定都此句之意似太宗先有築臺之事今高宗竟其功未詳易乾卦飛龍在天山海經海外北經共工之臣曰相柳氏九首以食于九山相柳之所抵厥為澤谿禹

殺相柳其血腥不可以樹五穀種禹厥之三似三沮乃以為眾帝之臺在昆侖之北柔利之東郭璞注言地潤濕唯可積土以為臺觀

貞明啟運

繫

辭日月之道貞明者也李鼎祚集解陸績曰言日月正以明照為道矣陸機皇太子宴玄圃宣猷堂有令賦詩洪聖啟運季善注春秋合誠圖曰赤受天運宋均曰運錄運也

齊王鏡於鸞門

太平御覽八十二尚書帝命驗曰桀失其玉鏡用其噬虎灰注玉鏡喻清明之道噬虎喻暴虐之風○鸞門因鸞鏡事牽合用之見

七夕

易簡成功

易簡見拜南郊頌序書大禹謨成允成功

偃銅符於鶴仗

英華一作帳史記孝文紀初與郡國守相

為銅虎符竹使符集解應劭曰銅虎符第一至第五國家當發兵遣使者至郡合符符合乃聽受之竹使符皆以竹箭五枚長五寸鐫刻篆書第一至第五張晏曰符以代古

之珪璋從簡易也索隱漢舊儀銅虎符發兵長六寸竹使符出入徵發說文云分符而合之小顏云右留京師左與之古今注云銅虎符銀錯書之張晏云銅取其同心也唐

六典八銅魚符所以起軍旅易守長莊子徐無鬼篇君亦必無盛鶴列於麗譙之間郭象注鶴列陳兵也麗譙高樓也釋文鶴列李云謂兵如鶴之列行司馬云鶴列鍾鼓也

懷降尊於襄野

禮郊特牲此降尊以就卑也○襄野見上九成宮頌表襄城注

泰階忘七起之勞

泰階見上

劉石相書藝文類聚十一鸞子曰禹飯一饋而七起曰吾不恐四海之士留於道路也恐其留吾門也是以四海之士皆至清翔曰今本鸞子作七十起其餘字句亦異淮南子汜論訓作一饋而十起

貧重於焦原

王融三月三日曲水詩序念負重於春冰鄧析子轉辭篇明君之御民若御奔而無轡履冰而負重

至思魏都賦張載注尸子曰莒國有石焦原者廣尋長五十步臨百仞之谿莒國莫敢近也有勇以見莒子者獨卻行齊踵焉所以服莒國也

中席託三

危之險

禮曲禮坐不中席○臨翠嫵而則道

翠嫵見九成宮頌十二翠簾注

天孕時成

乾

卦大明終始六位時成

坐玄扈而披圖

藝文類聚九十九春秋合成圖曰黃帝遊玄扈維水上與大司馬容光等臨觀鳳皇銜圖置帝前帝

再拜受圖夾注固扈石室

神超物妙

易說卦傳神也者妙萬物而為言者也

皇后

漢書外戚傳序漢興因秦

之稱號適稱皇后注師古曰適讀曰嫡后亦君也天曰皇天地曰后土故天子之妃以后為稱取象二儀新唐書武后紀諱璽并州文水人太宗選為才人太宗崩為尼高宗復召為昭儀進號宸妃永徽六年高宗廢皇后王氏立為皇后

星潯縱淑

星潯用星流華渚事見九成宮頌序星虹注縱謂天縱

曳珠紱

於銅臯

珠紱未詳銅疑桐字之訛桐臯即桐封變文后文水人地本唐叔舊封也

雲野疏祥

宋書符瑞志帝堯之母曰慶都生於斗維之野

常有黃雲覆護其上

抗瓊枝於桂浦

瓊枝見寒梧棲鳳賦桂浦見綿州北亭宴序

素蟾澄

頂本

慶

禮昏義故天子之與